



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Tractatio Synoptica De Iudiciis Ad Lib: II. Decretal:  
Gregorii IX.**

**Herberstein, Ferdinand von  
Tabarelli de Fatis, Donato Vincenzo**

**Spirens., 1660**

23.

**urn:nbn:de:hbz:466:1-11416**

*de lib. caus: L. ult. C. de jud. nov. 82. cap: 8. Cuius iac: sup. cap. 23.* Causæ recusationis aliæ iure expressæ sunt, aliæ ab arbitrio Iudicis dependent. Illæ, si probatæ sint, v. g. quod Iudex sit inimicus, quod iniquus mibi præsumptionem juris efficiunt adversus Iudicem, ut non facilè admittenda sit in oppositum probatio. *Decius in cap. causam de offic: deleg:* nisi ex circumstantiis liquido contrarium colligatur. Hæ verò maiorem Iudici arbitrando potestatem faciunt, num spectatis circumstantiis, pro legitima, & probabili haberi debeant.

23. Interim iusta & indubitata recusationis causa reputatur, quæ lege, aut SS. Canonibus prohibita est: quarum una est probabilis suspicio, quod iniquè iudicaturus sit, aut ob affectionem pravam, aut ob imperitiam *cap. suspicionis. 39. de off: deleg: Si inimicus tibi, amicus adversario cap. cum super. 23. eod: cap. 2. de jud: vel si aliam tecum controversiam habeat in iudicio, ideoq; adversarius tuus esse censetur cap: 1. de jud. aut si simili in causa cum altero in tribunali alio contendat. cap: causam. 18. de jud: quia præsumitur ita iudicaturus*

turus esse, sicut pro se judicari cupit. Item si Judex Dominus sit adversarii tui, quocum contendis. *cap. causam 17. de off: de leg:* quia censetur eum specialiter diligere, aut defendere velle. Item si adversarius tuus familiaris sit, seu domesticus Judicis. *insinuante 25. eod: si eius socius collega. cap. accedens. 4. ut lite non cont.* Si consanguineus, affinis, si cliens, patronus &c. *L. lex. 5. ff. de injur.* quod nimis meticulosus, quod ab adversario ultrò expetitus, aut ab eo hæres institutus sit: quod ante advocatus adversarii fuerit. *cit. L. si pariter. de lib. caus: L. Julianus. 17. L. observandum. 47. ff. de jud: juncta L. 3. & ult. ff. de testib.*

24. Non videntur justæ, quas adjiciunt *Iason & Zas: in cit. L. apertissimi. Merant. p. 6. num. 27.* Quod Judex sit nimis severus, quod adversarii commensalis, quod adversarius sit scholaris Judicis doctoris, quod Judex cum eo extra necessitatem officii colloquatur, quod sit adversarii conterraneus: quia neque lege expressas reperio; neque ratione sufficienti fulcitas. Vix etiam laudare possis quod scribunt, inimicitias probari si quis probet se à Judi-